




Landjugiprogramm

April – Juni 2022



After Corona War, 04.-24.04.2022

Äs isch ändlech ume sowit!! Mir holä dr Corona War wider zrüg i üses Läbel!! Für aui die wo d Waffe no nid emau becho hei, bevor si scho wider tod si gsii, hie chunnt öii zwöiti Chance. Mit nöiie Spiuregle göh mir wieder mit Nurfgun-Pistolene uf d Jagd ufenang. Ahmäude chöit dir öich bis am 02.04.2022 bir Nina.

Schlagertämpu, Sunntig 17.04.2022

Mir löh auti Traditione wider lah ufläbe u gseh üs a Ostere am Abe im Schlagertämpu. Dert weimer üs eineisch meh ufe Ostermäntiger bestens Vorbereite. Mäudi bis am 16.04.2022 bir Nadine wede ou drbi bisch. Träffe düe mir üs am 20:00 bim Klubrum.



Ostermäntiger, Mäntig 18.04.2022

Perfekt vorbereitet vom Vorabe göh mir zur LG Oenzal a Ostermäntiger. Dert erwartet üs e ganze Tag mit sehr viu Siel und Spass. Dir chöit öich grad i vierer-Teams (2 Froue u 2 Manne) oder ou einzig bis am 03.04.2022 bir Nadine ahmäude. Träffpunkt isch am 09:15 bim Klubrum.

Regio DV, Fritig 22.04.2022

D Landjugi Niesen organisiert i däm Jahr d Regio DV. Aui Infos u ahmäude chaisch di grad diräkt bir Sonja.

Utzigen-Chilbi, 28.-30.04.2022

Ändlech chöi mir wieder üsi giebti Chilbi düreführe!!

Dr Ihnsatzplan bechömet dir de grad diräkt vo üsem super Chilbi-OK. Si si sicher um jedä froh, wo näscht sire Schicht no Zyt het zum Häufe. Aber eis isch sicher, mit öiem unermüdeleche Ihnsatz wird das wieder e unvergässlechi Chilbi!!



BEA, Samstig 07.05.2022

O d BEA cha dises Jahr wieder stattfinde. Das wei mir nid verpasse, drum träffe mir üs im Boll u nähme z 17:04 Zügli richtig Bärn. Zersch geits ab id Wiidegu u ahhschliessend wei mir uf di 19:30 i Grizzly ga Znacht ässe. Am beste gibsch am Bärni bis am 02.05.2022 hurti bscheid öb de ou drbi bisch für z Ässe.



Jassä im Heistrich, Fritig 13.05.2022

Dr Heistrich organisiert au viertu Jahr äs Jasstournier u da weimer ou eis ga zeige was mir chöi. Öb Profi oder Ahfänger, drbiisii zeut! Drum mäud di bis am 09.05.2022 bim Bärni ahh. Mir träffe üs de grad diräkt im Heistrich.

Mailbummel mit LG Frienisberg, Sunntig 22.05.2022

Mit dä Frienisbärger zäme wei mir dä Frühelig ä Maibummu mache. D Planig steit nonid ganz, drum bechömet dir aui Infos, wens sowit isch. Ahmäude chöit dir öich bis am Mlttwuch, 18.05.2022, bir Sonja.



Chilbi Ussufete, Uffahrts-Donnstig 26.05.2022

Mir mache uf di 12:00 bim Klubrum e Chilbi ussufete. Z Fleisch u d Getränk organisiert d Landjugi. Wede wosch chaisch gärn no e Salat mitbringe. Mir fröie üs uf di.

Seilpark Bärn, Samstig 04.06.2022

Damit mir de glich ou no chli öppis für üsi Bikinifigur bis i Summer gmacht hei, wei mir zäme z Bärn im Dällhölzliwald i Seilpark. Vouer Adrenalin und mit viu Muskukraft schwinge mir üs elegant dür dä Park. Säg doch bis am 31.05.2022 am Ändu ob de ou drbi bisch. Träffe düe mir üs am 13:00 bim Klubrum.



Cupässe, Mäntig 13.06.2022

Z Lyss gits bekanntlech di grössti Glacecharte vor Wäut, das müesse mir ga luege. Chunsch ou mit? De mäud di bis am 12.06.2022 bir Tina ahh. Träffe düe mir üs am 19:00 im Boll.

SLJV DV, 18.&19.06.2022

Die verschobeni DV u vorauem die gueti Chiubi wos geng git wei mir üs sicher nid lah entgah! Details zur Ahmäudig gits de vor Sonja.

Brätle a dr Aare, Fritig 24.06.2022

Mir wei zäme gmüetlech ad Aare ga Brätle u die wo wie, chöi ou scho ä Bädu ga zwickä. Z Apèro, Bier, Züpfe u Gschirr organisiert d Landjugi. Dis Fleisch bringsch grad säuber mit u faus de wetsch darfsch gärn no e Salat bringe. Bis am 22.06.2022 chaisch di bim Sven ahmäude.



Vorschou

- 10. - 15.07.2022 Kinderlager

Kontakt

Sonja: 079 327 29 25
Tina: 078 964 03 98
Nadine: 077 521 73 69
Nina: 079 920 60 81
Sven: 079 105 73 57
Ändu: 077 459 99 18
Bärni: 076 443 19 57